



AGENCI PENGUATKUASAAN MARITIM MALAYSIA
KEMENTERIAN DALAM NEGERI
ZON MARITIM BINTULU
Sub Lot 1-5, Lot 1174, Blok 32 (Batu 5)
Wisma Peng Seng, Daerah Tanah Kemena,
Jalan Bintulu-Miri
97000 BINTULU, SARAWAK
MALAYSIA



Telefon : **086-314237 / 314254**
Fax : **086-312268**
Bilik Operasi (24 Jam) : **082-432544**

Ruj Kami : APMM.W4.100-2/1/7 Jld11 (21)

Tarikh : 5 September 2022

SIARAN MEDIA

BOT TUNDA DAN TONGKANG DITAHAN ZON MARITIM BINTULU

BINTULU, 5 September - Agensi Penguatkuasaan Maritim Malaysia (Maritim Malaysia) Zon Maritim Bintulu telah menahan sebuah bot tunda dan tongkang sedang bergerak pada jarak lebih kurang 1.6 batu nautika dari Tg. Kidurong, Bintulu, Sarawak sekitar jam 11.00 pagi semalam.

Pengarah Zon Maritim Bintulu, Kepten Maritim Mohd Khairul Anuar bin Saad berkata, bot tunda dan tongkang tersebut telah gagal mempamerkan sebarang dokumen berkaitan vesel dan muatan disyaki pasir.

Manakala kru yang ditahan pula, didapati permit kerja telah tamat tempoh dan telah tinggal di Malaysia melebihi tempoh yang telah ditetapkan.

Hasil pemeriksaan dan penggeledahan mendapati lima orang kru termasuk nakhoda merupakan warganegara Indonesia, berumur dalam lingkungan 31 hingga 56 tahun dan semuanya adalah lelaki.

Terdapat muatan disyaki pasir dijumpai di atas tongkang semasa diperiksa. Kesemua kru beserta bot tunda dan tongkang ditahan dan diiringi ke Pusat Tahanan Vesel Zon Maritim Bintulu untuk siasatan lanjut.

Kes akan disiasat di bawah Ordinan Perkapalan Saudagar 1952 dan Akta Kastam 1967 yang memperuntukan hukuman denda dan penjara jika disabitkan bersalah.

Manakala kru yang ditahan akan disiasat di bawah seksyen 15(1)(c) Akta Imigresen 1959/63 kerana permit kerja telah tamat tempoh yang mana boleh dikenakan denda tidak melebihi RM10,000.00 atau penjara tidak lebih 5 tahun atau kedua-duanya sekali

Maritim Malaysia sentiasa mengingatkan kesemua komuniti maritim supaya mematuhi segala peraturan undang-undang sebelum melakukan sebarang aktiviti di laut dan amat mengalu-alukan maklumat serta aduan daripada seluruh komuniti maritim untuk melaporkan sebarang aktiviti yang mencurigakan ataupun kemalangan di laut secara terus ke talian MERS 999 atau Pusat Operasi Maritim Zon Maritim Bintulu (086-314 254)/ Pusat Operasi Maritim Negeri Sarawak (082-432544) yang beroperasi 24 jam.

Kepten Maritim Mohd Khairol Anuar Bin Saad
Pengarah Zon Maritim Bintulu
Agensi Penguatkuasaan Maritim Malaysia

-TAMAT-

Sebarang Pertanyaan, Sila Hubungi:

Pegawai Perhubungan Awam

Leftenan Madya Maritim Aziz bin Mohd Hamdi

Tel : 010-361 1446

Email : azizhamdi@mmea.gov.my